


22477

Rachwałtowa Anna Kat.


1. Gloria. } 1747.
2. Zal gtoiny.

~~Hist 4604.~~



1878. I. 95.

A. J. R.



GLORIA
IMMORTALIS

Post Fata

Celsissima Illustrissima ac Excellentissima Principis in Kowel & Smolany

D O M I N Æ

D. ANNÆ CATHARINÆ

De LUBARTOVICIIS Ducibus SANGUSCIIS

RADIVILLIÆ

CANCELLARIÆ MAGNÆ M. D. L.

SUPERSTES,

Ejusdem Nomini Generiq; Clarissimo, Virtuti Amplissimæ, nec non
CELSISSIMÆ PROLI,

Nimirum

Celsissimo, Illustrissimo, ac Excellentissimo S. R. I. PRINCIPI

MICHAELI CASIMIRO

RADZIWILLÆ

Duci in Ołyka, Nieświż, Birże, Dubinki & Kleck; Comiti in Mir, Szydłowiec,
Kopylc, Kroże & Białła, ac in Zolkiew, Złoczow, Pomarzany Domino & Hæredi,
PALATINO VILNENSI, Supremo M. D. L. Belli DUCI, No-
tarscensi, Człuchoviensi, Camenecensi, &c. CAPITAN

Et

Celsissimo, Illustrissimo, ac Excellentissimo S. R. I. PRINCIPI

HIERONYMO FLORIANO

RADZIWILLÆ

Duci in Ołyka, Nieświż, Birże, Dubinki, Kleck, Słuck, Kopylc; Comiti in
Mi, Szydłowiec, Kroże & Białła, ac in Nowel, Siebież Domino & Hæredi

POCILLATORI M. D. L.

Premisliensi, Krzyczewiensi, &c. CAPITANEO

Non tam ex justissimi doloris sensu, quàm ex sententia ipsius æquitatis

DEBITA,

Merendum Eorundem mærorem in Supremis Justis Lugubri Oratione

CELEBRATA

Illustrissimo RADIVILLIANO Nesvisiensi Collegio Soc. JESU, Anno Domini 1747.

VILNÆ Typis S. R. M. Academicis Societatis JESU.

Hand 4604

IN AVITA INSIGNIA
 C E L S I S S I M Æ
 ADIVILLIORUM & SANGUSCIORUM
 F A M I L I Æ.



Alta petit linquens terras, Jovis armiger Ales,
 Atq; minax Equitis fertur in astra chalybs:
 ANNAM grande Decus reddant ut sidera terris,
 Armatis precibus pulsat uterq; polos!

DE-

2244
 (a)



DEDICATIO.



*Si tenebris & solitudini familiarissimus dolor sit PRINCIPES CELSISSIMI, propterea, quod ut ipse nihil amœni affert, ita omne serenum fugiat; nostra tamen dolens Eloquentia ab umbris in lucem, & in Vestrum conspectum sese profert; ut ægritudinem suam in uictuoso hoc MATRIS CELSISSIMÆ funere, compertam exploratamq; orbi faciat. Propterea se, sed incompta, qualem decet mœrentium esse; nec de cultu dictionis, & fuco oratorum sollicita, ne animus fallax, & simulationis arturuditus esse videatur. E sententia enim Sapiientis: * Oratio vultus animi est; si cir-*

si circumtonsa & fucata, ostendit ipsum
quoq; non esse sincerum & habere aliquid
fracti. Non est ornamentum utile concin-
nitas hoc præsertim tempore, cum majora ha-
beamus, quæ curemus. Ingens sollicitudo &
multa nos circumstat cogitatio, ut æstuantem in
pectore dolore lenire aliquo pacto valea-
mus. Quem tamen æstum gravissimum non ex
eo cognosci volumus, quod hæc paginarum facies
in publicum solem prodeuntes nigrorem contra-
bant; hoc namq; dicendi genus ludentis non lu-
gentis eloquentiæ est indicium. Nostræ acer-
bitatis gravitatem qui cognitam esse velit, di-
scat inde, quod omne molle ac festivum respu-
amus. Unde etiam, si sublimia humiliter, si am-
pla tenuiter, splendida ac magnifica si ruditer
ac inornatè hæc oratio tractaverit, non eam
culpam in animum nostrum, sed in dolorem
PRINCIPES CELSISSIMI conferatis.
Hoc supplex orat

Vestro Ducali NOMINI & HONORI

Devotissimu
Nesvisiense Collegii
SOCIETATIS JES



Cerbissimum hoc publici
luctus argumentum, quod
fati vis ineluctabilis orbi Li-
tvano dedit in spectaculum,
tam acri dolore confodit a-
nimos; ut intra cordis regio-
nes contineri non ferentes, in apertum pro-
rumpant, neq; in ora tantum atq; oculos,
sed in paginas etiam effundantur. Cum
gaudiis scilicet commune id mæror habet;
ut, quemadmodum illa mentes aliqua volu-
ptate perfusas ad plausum & gratulationem
accendunt; sic iste animum dolore faucium
ad sui vulneris significationem propellat.

B

Hinc

Hinc dolentes animi velut ignes, non latebras patiuntur, non sinu cohibentur, sed cordis angustias dedignati foris prominent; erumpunt ore in gemitus, oculis in lachrymas exundant. Noster tamen dolor non his limitibus continetur: non satis putamus indulgere lachrymis, quibus nil citius arefcit; nec contenti fumus gravibus licèt fufpiriis, quæ perinde ac levis vapor evanescunt: Longiùs sese effert & excurrit mens dolore æstuans; publicis monumentis luctũ consignare decrevit. Et licèt acceptæ à fatis injuriæ vulnus, paginis quodammodo alligamus; istam nihilominùs plagam nullâ unquam oblivionis cicatrice obduci volumus; ut hoc pacto lamenta nostra ad consequentes etiam pervadant ætates, tristemq; hujus acerbitalis imaginem nullum unquam tempus ex memoria posterorum detergat. Tantâ enim ægritudine concussit pectora solemnis hic mæror, ut universam prope Poloniam tristis stupor defixerit, postquam immania fata Celsissimam Principem de LU-BARTOVICHS Ducibus SANGUSCHIS RADIVILLIAM Cancellariam Magnam M.

D. L.

D. L. & quod ad doloris ictum telum acerrimum est, vestram PRINCIPES CELSIS-SIMI Optimam PARENTEM, Nostram verò amplissimam Fundatricem ac Patronam abstulerunt. Refricantur crudeli hoc mortis ictu, ejusdem telo superioribus temporibus inflicta, sed procedentium annorum spatio nonnihil obducta Patriæ vulnera; ut lachrymans cum fatis expostulare videatur: *O Fata durissima! o crudeles supra nomen suum Parcæ! itane parum erat hujus MATRIS Carissima undeviginti Pignora, de me optime meritiæ Domus lumina, mea sidera pæne in ortu extinxisse? non sat erat ante quinque retro lustra in ejus Celsissimo Conjuge Principe CAROLO RADZIVILLÆ Cancellario Magno M. D. L. grande Religionis præsidium, Justitiæ assertorem, Ducalis Familiæ ingens decus, publicæ fortunæ clypeum, Cor Regis, omniumque amorem rapuisse? ut etiam hoc oculis nostris ad solatium lumen relictum extingueretis, tristisque mæroris nocte terras meas obrueretis? His sanè querentem cum fatorum inclementia Patriam audire videmur, hujusque luctuosi sermonis index quidam ac interpretas esse vi-*

detur, tot Præfulum, tot Procerum, tot Le-
chicæ gentis Civium ad funeris pompam
concurfus. Et quidni tota lamentari dica-
tur Respublica? cum mæreat Equestris or-
do, Nobilissimum Principem, Litvaniæ Mar-
tem, supremum Exercituum Ducem, ju-
stissimo ac potentissimo dolore victum con-
spiciens; cum lugere Senatum atratus ille te-
stetur squalor, qui in tot Procerum Aulas
immigravit; & ipsa Serenissima Poloniæ Ma-
jestas in consolanda Prole Celsissima non
mediocrem animi dolorem adhibeat. Lu-
gent etiam cum minima JESU Societate u-
niverſi Religioſorum Ordines, ereptam ſi-
bi tam munificam Dominam & Patronam,
ſqualent ipsa Tempſa, pretioſis nuper mu-
neribus cumulatiſſimè donata. Univerſus
itaq; Polonus orbis Principem optimam de-
ſiderat; quæ ſi vitam pro vita paſciſci inte-
grum foret, nunquam è vivis fuiſſet exclu-
denda. Quanquam Illa non tam excluſa eſt
è vita, quàm potiùs exiit. Non in eorum
namq; vixit contubernio, qui deſideria &
ſua in terris vota æternitate, cætera verò
omnia caſu metiuntur; quibus ſcilicet omnia

accidit.

accidunt, non eveniunt, unde etiam ipsi non tam è vivis discedunt, quàm vel inviti exturbantur. Non, inquam, ad eorum societatem Celsissima ANNA aliquando accesserat; exploratissimum Illi erat lubricas esse spes vitæ, nosq; illum ipsum diem, quem agimus cum morte dividere. Nunquam ei ex animo effluxerat humanæ conditionis necessitas, cui vi nulla obsisti potest; unde non invito animo vitam cum morte commutavit. Imò illud etiam dicendum est: satis & Naturæ & Gloriæ vixisse hæc Princeps videtur; nam & Virtutibus immortalitatis honore dignissimis eò pervenerat, ut memoria Ejus in exteras quoq; Gentes egressa, magis apud animum cujusq; quàm apud urnas sit commoratura; & diebus suis eò ætatis processerat, ut non vi morbi aut inexpectato mortis telo confecta, sed annis fessa in hoc communi mortalitatis portu ad quietem procubuerit. Cum tamen nunquam non acerba & immatura mors eorum videri potest, quos populi velint æternum vivere; quis jam demirabitur univerforum ferre animos dolore lacerari, postquam Il-

C

la

la vixit, cujus si vitam redimere liceret, plurimi de suis annis illi concedere non dubitarent. Ita enim fert magnorum natura bonorum, ut quemadmodum eorum amissio nunquam est festiva, ita semper videatur esse festina; & quò majori svavitate mentem possessa deliniunt, eò acriori dolore animos exulcerent amissa. Atq; hinc non absimile quidpiam hoc tempore nobis accidisse videmus, quòd in cælis & hortis usu venire conspicimus. In cælis Astrum illud aureū, Princeps fiderum, luminumq; parens, postquam larga luce terras compleverit, licet jam provecta ad grave quasi senium die, diurni temporis cursum conficiat, neq; in æternam noctem, sed paucis horis rediturus occumbat; quàm lugubris tamen umbrarum squallor semper ejus funeri superstes terras involvit? In hortis florum Regina Rosa, ut ut satis quandoq; publicæ mundi luci sese vulgaverit, spectatorem oculum venustate sua affatim faciaverit, ubi tamen quodam veluti senio confecta defluerit; quid, nisi tristes spinæ supersunt? Pariter in præsentium rerum statu evenit: Principum Filia & Mater,

ter, Optimatum Matronarum fidus clarissimum, post illustratas abundè decorum suorum luce terras, occidit; post diffusum latissimè famæ odorem, Flos hic à Purpura domestica roseus ipsa maturitate defluxit; extincto itaq; lumini succedunt tenebræ animorum; collapsa Flore pro spinis rigent acerrimi dolores, quos non ferre possumus, quin exclamemus: Vixit! o ingens antea Litvaniæ solatium, o acerbissimū hodie luctūs argumentū! Vixit ANNA! cui annos infinitos, vitamq; immortalem optabamus; Vixit! quæ meruit, ut semper viveret. Procubuit illa Arx pietatis, omnisq; honesti Domicilium! quod ut tam sublimè assurgeret, omnes vires Natura & Fortuna, Virtutes & Gratiæ consumpsisse videbantur. Verū! quid indulgemus dolori? cui frænos remittimus? ut ab omni solatio longiùs abripiamur. Meritò quidem lachrymis pupillæ innatant, dum communis pupillorum orphanorumq; Mater decessit; neq; vivorum duntaxat, sed Divorum etiam ædes squalent; dum Princeps illa vitam amisit, quæ subsidia vitæ, quàm plurimis subministra-

bat, Cælitēsq; in aris ornabat. Cum tamen neq; lachrymis dura fata mollire, neq; suspiriis cælum usq; licet petentibus atras mæroris nubes dispellere valeamus; imò cum hi ipsi tristes anhelitus, graviolem luctuum concitent tempestatem; subsidat paulum dolor, necesse est. Et certè vanis querimoniis fata laceffimus, cum hac mortalitatis lege univèrsū hominum genus Suprema DEI immortalis vis ac Potestas devinxerit, ut quisquis ad vitam editur, ad mortem destinetur. Gratias immortales potius Illi habeamus, cujus nutu atq; consilio res omnes geruntur, quòd tantæ Principis conspectu, Virtute, & Gratiis, tam diu frui nobis concesserit. Quanquam est & aliud, quod favientem nostris in pectoribus dolorem possit temperare. Nimirum Gloria superstes post fata Celsissimæ Principis tantum roboris ad leniendos animos in se habere videtur, quantam vim funesta mors habuit ad exulcerandos. Et verò, quidni illa solatio esse possit, quæ mortuis vitam parit priore vitâ beatiorem? quidni animorum vulneribus mederi valeat, quæ illud

pon-

pondus ac momentum in mortalium animis habet, ut ejus ardentiore studio, commune omnibus, etiam diuturnioris ævi desiderium in se ferme extinguant. Hinc plurimi velut æstu quodam perciti mori properaverunt, ut eam celerius consequerentur. Ad hanc igitur ab illius vulneris atrocitate abductos revocemus animos, ut mærore obruti, hoc spectaculo nonnihil releventur, oculiq; lachrymando defessi aliquantum conquiescant. In luctuoso à nobis discessu singula bona sua dispertiit
PRINCEPS: Animum immortalibus decoribus plenum, ut piè opinamur, Cæli repetierant; pias corporis exuvias Ducale Mausolæum deposcit, jusq; sibi ad illas terra prætendit; opes facultatesq; amplissimæ, Soboli carissimæ cesserunt: de superstitite Gloria, quam sua post fata **ANNA** reliquit, magnalis oritur, quem illius scribemus hæredem? clarissima Nominis & Generis dignitas suam hanc Gloriam esse dicit; amplissimæ Virtutes Principis, quæ cū illa sepeliri nequeunt, suam vendicant;
PROLES CELSISSIMA hanc suam hære-
D dita-

ditatem esse confirmat. Ingens certè atq;
omni ex parte potentissima Nominis & Ge-
neris Clarissimi, amplissimarum Virtutum,
nec non CELSISSIMÆ PROLIS de hære-
ditate Gloriæ superstitis contentio; nulla
tamen dissensio, unde nec sententiæ in sæ-
culorum judicio ferendæ studia in contra-
ria distraherentur. Omnia hæc lugubris E-
loquentiæ funto argumentum; ut animi do-
loris æstu pæne absorpti, hujus in præsen-
tia controversiæ arbitri facti, cùm partis
cujusq; jura & causas perpendent, sibi se
vindicent, & à sollicitudine mæsta abstra-
hantur. Obsistit quidem mæror Eloquen-
tiæ hæc acta in lucem proferre cupienti,
conatumq; repellit, & quod hæc consignat
literis, ille delet lachrymis; nihilominus
difficultatem ejusmodi nostrâ in Principem
demortuam pietate & ingenti studio su-
perare connitemur.

PARS PRIMA.

INolevit quorūdā mentibus, sed nimis ini-
qua fortasse opinio; eam esse duntaxat ju-
stam, solidam, veramq; laudem; ad quam
nec

nec Dignitas Nominis, nec splendor Gene-
ris, nec etiam ipsa Fortuna quidquam con-
tulisse gloriatur. Quæ integritas famæ,
(inquit) si ex illa quidpiam aliena auxi-
lia decerpant, sibi laudem detrahit, qui e-
jus studia cum aliis communicat. Satiùs su-
is in integro rebus florere, quàm Genere
& forte, aut Majorũ niti opinione. Hinc non
nemo insolentiùs, quàm veriùs prædicabat:
se suis maioribus virtute propria præluxif-
se, ut si priùs in tenebris & oblivione jacu-
erint, vel à se solo lucem & initium memo-
riæ accipiant. Ac iste quidem Gloriæ æ-
stus esset ferendus, nisi plùs æquo ardenti-
or & injuriosior videretur. Non imus infi-
cias, speciosos titulos, fumosas Majorum
Imagines, & illustria rerum ab illis gesta-
rum monumenta, non tam esse gloriam,
quàm ad eam sectandam incitamenta; quid
inde tamen? nihil igitur eamobrem Nomi-
ni, nihil Generi, nihil Avis Proavisq; om-
nium ætatum prædicatione dignissimis re-
ferendum; si Nepotes virtutibus floreat,
si famâ orbem impleant? Apage à nobis isti-
usmodi sententia, hoc potissimùm loco, u-

bi Nomen & Genus Principis clarissimæ
Gloriam superstitem sibi vendicant, iis-
demq; hac in causa & natura, & dignitas, &
merita, honoresq; suffragantur. Si namq;
primò Parentem atq; Magistram omnium
naturam spectaverimus, ejus quodam velu-
ti instituto fieri videtur; ut Nati, quemad-
modum animum à Supremo Numine, ita si
non gloriam, certè gloriæ semina à præcla-
ro Nomine & Genere accipiant. Quidni igi-
tur hoc decus immortale iisdem referatur,
à quibus profectum est, & ad quod conse-
quendum non modò præduce quasi gressu
viam Principi commonstrârunt, sed etiam
plurimum auxilii contulerunt, ut illud am-
plius & illustrius oriretur. Hinc si flores
odorem coloremq; suum stirpi, fructus
dulcedinem suam arbori, aurum volventes
fluvii suas opes referunt fontibus, unde
effluunt; aut terris, per quas meant; æquū
erit ex ipsius naturæ consilio, ut in No-
men, in Genus, in Familiæ arborem, in san-
guinem Gloria hæc redundet, quam Prin-
ceps nostra virtute sibi à Majoribus trans-
missa comparaverat. Sed eam merito atq;
opti-

optimo jure illis deberi Nominis & Gene-
ris Dignitas ingens, Merita amplissima, sum-
miq; in Patria Honores etiam contendunt.
Si Nomen requiritur, quod per fœdera Ma-
trimonii induit ANNA Celsissima? RADIVILLIA est. Si Genus, unde ortum suum
ducit? SANGUSCIA est. Satis superq;
diximus; & quantum juris habeant ad Glo-
riam, vel solis his nominibus abundè expli-
cuimus. Utrumq; enim Dignissimum, u-
trumq; meritis amplissimum, utrumq; Ho-
noribus ornatissimum.

Quanta sit Nominis RADIVILLIANI Di-
gnitas, si quisquam ignoret, eum necesse
est non modò in publicis famæ monumentis
peregrinum & hospitem esse, verùm etiam
in clarissimarum totâ Europâ rerum igno-
ratione versari. Ecquis enim hodie vel in ex-
tremos Europæ fines recedit locus, quò
hujus præstantissimi Nominis fama non per-
vaserit? Quem populum, quam gentem,
quam regionem tam longè ab orbe Polono
natura submovit, ut eam RADIVILLII non
modò suorum decorum luce, verùm etiam
admiratione non compleverint? Tanta e-

E nim

nim est hujus Celsissimæ Domûs amplitudo,
ut vix aliqua Christianis in regnis emineat
Majestas, quam Ducalis hæc Profapia, aut
communione sangvinis non complecta-
tur, aut propinquitate non attingat. Ado-
ravimus hoc Nomen Poloni in Serenissi-
ma Nostra olim Regina BARBARA de RA-
DIVILLIIS, quam SIGISMUNDUS AU-
GUSTUS connubiali fædere sociavit, &
JAGIELLONICAM stirpẽ suis in furculis
ab Austria, Saxonia, Svecia adoratam, RA-
DIVILLIANO Nomini affinitate innexuit.
Vidimus in WISZNIOVIECCIANA Luna
lumen Regum MICHAELEM I. hoc Sidus
etiamnum fulget in Domestico Principum
Nostrorum cælo. Coluimus in folio JO-
ANNEM III. Poloniæ Regem secundissi-
mum, venerabatur haud ita pridem Germa-
nia Cæsarem CAROLUM VII. semper Au-
gustum, Ille Avus vester Principes Celsissi-
mi MICHAEL & HIERONYME! hic Frater
Amitinus. In præsentia verò hujus Cæsa-
ris Augustissima Proles, Bavariæ Principes
MAXIMILIANUS & MARIA ANTONIA
per recentissima cum SAXONICA nobis
feli-

feliciter imperante DOMO Connubia, una & Illius, & Galliae, Siciliae, Hispaniae sceptrum in unum quasi fascem colligata per affinitatem Ducali Vestrae Domui intulerunt. Ad hanc quoque necessitudinem Regnatorem DANIAE & Angliae sanguinem, horum regnorum Regibus Affines Principes Brandenburgici JOANNES GEORGIUS & LUDOVICUS Celsissimo RADIVILLIORUM Nomini adjunxerunt; ille Filiam SOPHIAM JANUSSIO RADIVILLIO, hic LUDOVICAM RADIVILLIAM Matrimonii fœdere sibi devinciendo. Tacemus Neoburgicas, Anhaltinas Purpuras? Tacemus etiam Ducum, Marchionum, Comitum de Strozi Dignitates amplissimas, Duces quoque Mantuae GONZAGAS, aliosque sexcentos Principes RADIVILLIANÆ Domui affinitate conjunctos, quos si vel fugiente oculo respexerimus; profectò non Europæ tantum, sed Asiæ, sed Africæ etiam, imò Divorum quoque splendoribus innutritam Ducalem AQUILAM, in extremos pænè orbis fines alas suas affinitate protendisse nemo inficiabitur. O quanta Nominis RADIVILLIA-

NI amplitudo, quanta Dignitas, quàm longè & latè diffusa Majestas, ut Ejus Domicilium orbis nonnisi limitibus terminetur. Verùm neq; Patrio in orbe quidquam nitet, quod huc referri non gestiat. Postulat RADIVILLIORUM Sangvinis communio- nem quævis Sarmatiæ Purpura, gloriæq; si- bi ducit, si eo tingatur. Unde omnia fer- me Gentis utriusq; ornamenta, grandia ni- mirum illa Poloniæ & Litvaniæ Decora Principum CZARTORYSCIORUM, LU- BOMIRSCIORUM, OSTROGIORUM, POTOCCIORUM, SAPIEHARUM, BRA- NICCIORUM, CZAPSCIORUM, ZAWI- SZARUM, JABLONOWSCIORUM, ZA- MOYSCIORUM, MYCIELSCIORUM, WOŁŁOWICCIORUM, OGINSCIO- RUM, MASSALSCIORUM, PACORUM, POCIEJORUM, SOŁŁOHUBORUM, CHALECCIORUM, SIESICCIORUM, POŁUBINSCIORUM, TENCZYNIO- RUM & alia numerô infinita Nomina huc convolant, ut in partem tantorum splendo- rum veniant, claritatemq; suam augeant.

Neq; tamen hîc ita clauduntur, ut lon-
giùs

gius sese non proferant. Concurrunt namq;
certatim universa hæc Lumina in excel-
sum Principis ANNÆ Genus, in vestram
scilicet sublimibus Altam COLUMNIS,
atq; cū Nomine RADIVILLIANO summa
necessitudine conjunctam Domum CEL-
SISSIMI LUBARTOVICII Duces SAN-
GUSCII! & quemadmodū inter utramq;
hanc Profapiam intercedit Sangvinis Con-
junctio, ita Decorum omnium quoq; am-
plissimarumq; Laudum mutua est commu-
nio. Utraq; simul hæc orta est cum Li-
tvania, utraq; etiam adolevit cum virtute.
Quodsi altiùs repetemus Majorum seriem,
utriusq; Familiæ Authores Romanos re-
rum Dominos Gentemq; togatam, & con-
stans omnium opinio, & scriptorum mo-
numenta loquuntur. Utriq; huic Domui
cesserunt in fundamentum magna Italiæ
ornamēta, nobilissimi scilicet olim Latii He-
ròes, dein Magni Ducatû Litvaniæ Principes
Civiū amores, hostiū verò immēsi terrores.
Referrem⁹ hoc loco mentē ad præteritā &
longi⁹ à nostra memoria remotā ætatē, qua
NARIMUNDUS RADIVILLIANI & GE-

DIMINUS SANGUSCIANI Generis Parentes claruerunt, magnāq; certè lucē huic orationi afferrēt, nisi excelsus **RADIVILLIORū SANGUSCIORū**q; animus, exiguos censeret esse licèt amplissimos splendores, qui aut ab affinitate, aut ab origine tantū derivantur. Non satis nāq; putārunt hi Principes minorum siderum more de alieno lucere, nisi solis instar ex seipsis etiam lucem proferentes Patriam illustrāssent.

Ut itaq; altissimæ Nominis & Generis Dignitati, par esset Meritorum amplitudo, o quæ & quanta egerunt, imò quid non egerunt in Sago & Toga **RADIVILLII & SANGUSCII**? Nullus certè extra omnem etiam ingenii aleam positus tantis Eloquentiæ abundat divitiis; ut res eorum gestas pro dignitate possit verbis exornare. Et verò quis eorum in tuendo regendoq; exercitu peritiam, industriam in bellis administrandis, celeritatem & fortunam in conficiendis, aut calamo assequatur, aut oratione comprehendat? Quis gentes immanitate barbaras victore ferro edomitas, extincta perduellionis incendia, attritas hostium & fractas vires, bellaq; aut audito solo

lo horum Principum Nomine attenuata & imminuta, aut virtute & viribus sublata ac sepulta enumeret? Non est quod Pompeios, Decios, Camillos, Lucullos, Julios, aliosq; hujusmodi Roma jactet bellorum Imperatores, in quorum ambitiosa cognomenta orbis pæne (dicam) sese lacerabat, ut à cæsis exercitibus, direptis Provinciis Africani, Asiatici, Achaici, Macedonici, Numidici dicerentur. Si hæc à Populo Romano recepta illo sæculo consuetudo apud Gentem Polonam vigeret, profectò longè major titulorum turba in exornandis RADIVILLIIS sese implicaret, & à rebus hostium perditis ac profligatis Ottomanici, Tartarici, Gothici, Livonici, unâ omnium voce animorumq; consensu celebrarentur RADIVILLII. Quodsi etiam Romanorum exēplo, victoriæ præmia essent, non Nomina tantum nova sortiri, sed triumphos agere, solemniq; pompâ inter populorum acclamationes in Urbes invehi; qui plausus, quæ laudes, quæ laureæ non conferrentur in RADIVILLIOS? Quinq; hostium millia qui prælio superâisset, eum amplissimis tri-

umphis ac pæne Divinis laudibus ornabat
Roma: si parem gratiam & honorem habu-
isset Victoribus Polonia, quibus trophæis
non exornarentur NICOLAUS Primus &
secundus RADIVILLI² qui armatum plùs
quàm centum millibus Orientem à Lechico
septemtrione minore longè suorum manu
toties represserunt, ingentiq; clade per-
domuerunt. Quot laureis coronaretur
GEORGIUS Castellanus Vilnensis & Su-
premus Exercituum Dux, ab heroicis labo-
ribus *Miles* dictus, qui triginta prælia con-
fecisse memoratur, ubiq; hostium domitor,
ubiq; Victor, ut fortunam in sua potestate
positam habuisse videretur. Quot arcus
triumphales flecterentur CHRISTOPHO-
RO, (a) Cujus multiplicium victoriarum te-
stes sunt, Disna, Turoulia, Duna, Vielicolu-
cum, Volga. Ponerentur etiam obelisci,
excitarentur Pyramides MICHAELI Ve-
stro Principes Celsissimi Avo, cujus gladius
quantùm adversùs hostes egerit in acie, te-
statur Chotimum. Ubi primo omniũ præ-
lio fractis hostibus quasi effregit Ottomani-
cam Portam, viamq; felicissimo auspicio
& au-

(a) Niesiecki t. 3. f. 818. ex Bielsc: Cluv. Kojal:

& auxilio ad celeberrimam toto orbe victoriam Polono Marti aperuit. Quid memorem alios fortissimos Heroas? quos illi referrent triumphos? quibus acceptum refert Patria tam magnum sui incrementum, tot tantasq; Provincias ditioni suæ subiectas, & incredibilem hanc gloriam ac felicitatem à tot sæculis ad hæc usq; tempora propagatam. Hunc in Martis arena victoriæ gloriæq; cursum quàm strenuè tenuerit SANGUSCIANUS etiam Eques, documento est ROMANUS SANGUSCIUS Palatinus Braclaviensis, Campi Dux Litvaniæ, qui ut ad immortalitatem iter expeditiùs haberet, obfistentes hostium copias in campis *Ivanensibus*, & ad *Ulam* repetitis multoties præliis contrivit ac contudit. Tartaros pariter cum interempto eorum Duce, Nominis ferriq; sui terrore perculsos in tartarum profugere compulit. Parè animi fortitudinè in SIMONE Duce SANGUSCIO Palatino Vitebscensi mirabatur Polonia, verebatur Svecia eiq; vicina orientis regio; illa ejus robore in fugam acta, hæc ab Urbe Vitebscensi repressa. Ast

G quò

quò raperis calame? num per singula eorū
Heroum vestigia ire contendis, quibus con-
tentionum magnitudine, numero præliorū
ac celeritate conficiendi vix quispiam con-
ferri potest, qui victore gressu citius ter-
ras peragrârunt, quàm tu paginam præter-
volas? Ita sanè præstantissimi Duces RA-
DIVILLII & SANGUSCII non hostes tan-
tū, sed Oratores etiam vos esse sibi gra-
ves sentiunt, cum illos verborum inopes
ipsa rerum à Vobis in Sago gestarum copia
faciat, vestrorūq; meritorū pondere oppri-
mat. Quid si res quoq; gestas in Toga in
mediū proferre præsumeret, quæ percen-
si numerando nequeunt? Si obitas cū omni
genere laudis, & cum publicæ rei emolu-
mento legationes, si pacta cum gentibus
exteris fœdera, firmatas Poloniæ cum illis
Societates, si saluberrima ad medendum
Patriæ consilia in Regni comitiis, si admini-
strationes justitiæ in Tribunalibus, hæc o-
ratio in se complecti cuperet, in immensū
certè cresceret, & quàm facilè exordium
reperit, ita finem dicendi non inveniret.
Amplissima hæc in Patriam bello & pace,
mili-

militiæ & domi merita procurrentem ditionē compellunt, ut etiā non inferiora iis in Superos & Religionem Principum horū studia prætermittat. In his namq; celebrādis, non modò exitum orationis invenire, sed ne initium capere promptum est. Mirari tantū illa, non eloqui licet, quorum laudibus nulla unquam ætas est finem allatura. Cum ad solum Principem NICOLAUM Fundatorem nostrum amplissimum animus convertitur, quò se primū vertat, ignorat. Hinc enim menti occurrunt Tépla magnificentissima, Ducali Ejus liberalitate, tum à fundamentis excitata & ditata, tum instaurata & resecta; inde quā plurimæ Religioforum Domus partim erectæ, partim liberalissimis donis auctæ & illustratæ. Illinc sese objiciunt maria emensa, terræ peragratæ, Palæstina, Syria, Ægyptus pietatis Ejus vestigiis consignatæ. Tanta dicendorum de uno copia cogit nostram eloquentiam, ut ALBERTUM Pinscensis Collegii Fundatorem munificentissimum, GEORGIUM Cardinalem, Summum Vilnensis Academiae Patronum, aliosq; innumerabiles Religio-

G2

ligionis vindices, Ecclesiæ defensores, Sa-
crarum ædium Fundatores, Religioforum
Protectores RADIVILLIOS & SANGU-
SCIOS silentio involvat. Certabant cū Prin-
cipum Meritis, grati animi significationib9
Religio & Patria; nec vincere poterant. Illa
Romanā Purpurā, Cardinaliū pileū, Præsulū
violas, annulos, tiaras contulit; hæc metu-
endas hostibus Ducum clavas, Cancellario-
rū figilla, Mareschallorū *Scipiones*, Senatorū
laticlavia, aliaq; honorum ornamenta in Do-
mum Principum congeffit, neq; tamen effe-
cit, ut præmia recte factis ex æquo respon-
derent. Impar horum omnium magnitudini
& oratio, relinquit universa venturis æta-
tibus prædicanda; nequit tamē vel fugiente
dictione non meminisse Magni Parentis in
funere Filiae nimirum Ducis HIERONYMI
SANGUSCII, virtutum, Eloquentiæ deco-
re, militarisq; artis studio ornatissimi, bo-
norū omniū dolore præmaturis fatis ere-
pti. O si illi integrū foret, communē hanc
lucem diutiùs intueri! quantus gloriæ splen-
dor ab Ejus virtutibus accessisset Patriæ?
qui necdum septimum supra vigesimū an-
num

P A R S S E C U N D A.

IN alteram orationis partem, & unâ in graves angustias venit Eloquentia. Hinc enim illam fœvior laceffit dolor, inde non levis circumstat timor. Magna spes animum subitat, afflictis in præsentia rebus grande solatium affuturũ à commemoratione virtutum, quas Celsissima ANNA reliquerat Posteris ad exemplum, & leniendum dolorẽ. Sed o miseram! atq; acerbissimam nostram consolationẽ! in qua ipsa solatia augment mærorem, cum ipsæ Virtutes adeo squalere videntur, ut vix à præficis distingvere valeamus. Mærent nãq; illæ quodammodo, quæ simul viventes cum Principe, unâ mori cum Illa nequiverunt. Dolent se esse desertas ab hac MATRE, quæ eas in pectoris sinu à teneris fovebat, lugent augustius hoc suum à fati eversum sacrarium; in quo religiosius, quàm olim Numina in Pantheo colebantur. Cum itaq; ab harum mærore profectus dolor nostros premit animos, alio ex loco invadit timor. Veremur etenim, ne anxiiis & sollicitis Virtutibus graviolem afferamus acerbitalẽ exinde, quòd hac orationis divi-

fio.

sione, illas à Clarissimo Nomine & Genere
separaverimus, cum quibus tam arctā sem-
per habuerunt necessitudinem, ut nunquā
ab illis divelli paterentur. Et justus fanè fu-
isset hic metus, nisi id eo consilio fecisse-
mus; ut cum omnia dolor miscet atq; con-
fundit, integer saltem ordo orationis ser-
varetur. Comprimite itaq; ejusmodi ango-
rem, & jam in mediū prodite orphanæ Vir-
tutes, ut jus vestrum ad Gloriam common-
stretis. Ast, quò hæc inaudita unquam præ-
cepta? adhucné à Virtutibus jus ad Gloriā
desideratur? gravissimā injuriā afficit, qui
hoc ab illis exigit. Hoc est namq; lucem in
sole quærere, aquam in fonte aut mari desi-
derare. Nulla ætas tã cæcum atq; impudē-
tem in orbem protulit, qui quod optimum
atq; pulcherrimum cogitari potest, aut vir-
tutem non esse, aut virtutem non deberi, ju-
dicaret. Si vitia, quæ virus ac dedecus suum
ab oculis mortalium suppressum in occulto
continent, cum virtutis personam induunt,
illiusq; duntaxat speciem præseferunt, nihil
pæne laudis non consequuntur; in Templis,
foro, curia, rostris, aris, colossis, statuas illis

adulatio populorum erigebat; ipsanè vera
& germana virtus, verum & stabile decus
gloriâ spoliabitur, cujus origo est & fons &
parens? Certè in iniquissimi etiam judicii
procella, ubi venalis quæq; sententia, litem
non amitteret virtus; cum ipsa sit & pretiũ
& munus, quo nullum majus. Atq; satis, o-
pinor, hac in causa disceptatum est; nullus
longiori controversiæ locus relinquitur, cũ
ita perspicuum esse videatur, ut vel ipsi o-
culi judicare possint. Virtuti gloriam & ho-
norem deberi. Et jam discederemus ex foro
ejusmodi, nisi ipsas inter virtutes non exar-
desceret contentio, cui superstitis Gloriæ
potiores partes sint concedendæ? Enimve-
ro primas sibi unaquæq; deposcit, & quanta
omnium concordia ac concentus in Princi-
pe nostra fuerat, quanto etiã studio omnes
illa complexa est; tanta hodie luctatione de
laudibus contendunt.

Ac primò quidem prodit in hoc forũ ar-
dentissima in Superos Pietas, quæ à teneris
cordi Celsissimæ ANNÆ infidens, cum il-
la crevit, nec unquam consenuit. Testantur
hucusq; in Vilnensi Religiosarum Divæ Cla-

ræ Virginum Collegio parietes, quàm favem Ejus pietatis sensum perceperint, cum inter illos primam ætatem exigeret, ut reliquæ instituendæ rationem sumeret. Testantur etiam domestica Ejusdem conclavia, quæ tum connubii fœdere juncta, tum viduitatis laudibus pollens aliquando incolebat; quantum studium rerum Divinarû in illa eluxerit. Quid namq; illa vigilans sollicitudo, ne ulla dies efflueret, cujus exordium & exitus non ille esset, qui est *Principium & Finis* rerum omnium. Quid illa sancta consuetudo magnam quieti partem semper detrahere, astra matutina antevertere, ne in colendo Numine præcurrerent? Quid singularis Sanctissimarum in Divino Sacrificio caeremoniarum veneratio, quibus quotidie piè & religiosè interfuit? ut in maximis curarû fluctibus ad Eucharisticæ hostiæ aram velut ad anchoram confugeret, ab hocq; piissimo instituto, etiam iter conficiens, ne latû ungvem aliquando discederet. Neq; his finib9 Pietatis ardor se continuit, ad aliorum etiã corda inflammanda erumpebat, utq; hanc cælestem flammam conciperent; pretiû &

operā contulit ad evulgandum typis librū,
qui ad tractāda regia cum DEO negotia, (a)
Mortalium animos invitaret. Quanto etiam
studio Cælitum Reginam coluerit, testis ex-
tat libellus, quem de cultu hujus Sanctissi-
mæ Matris conscripsit, publiciq; juris fecit.
Missum facimus ex pietatis virtute profectū
in Principe illū honestatis vigilem amorē,
ne quid ornamenti in atriis, in conclavibus,
in aulæis niteret, quod non verecundia pe-
nicillo aut acu pinxisset. Silentio tamen præ-
termitti haud potest, incredibilis ac pæne
Divina in Divos & Vivos liberalitas. O sili-
pides & saxa dicendi copiam acciperent,
obstinatumq; silentium rumperent, nullo
unquam tempore de hujus virtutis laudibus
conticescerent. Quanquā silentibus etiam
saxis versabitur hæc in ore omnium, quo-
rumcunq; oculos incurrent munifica Princi-
pis manu excitatæ in Bialensi Divæ ANNÆ
Templo aræ, veræ in Superos liberalitatis
pietatisq; monumenta. Prædicabunt eandē
& aliæ quàm plurimæ Divorum ædes preti-
osis à Principe donis illustratæ. Neq; sinet e-
jus

a) Celsissimæ Cancellariæ curâ libellus reimpressus, qui inscribitur: *Pańska z Bogiem zabawa.*

jus Laudē obscurari splendor ille, qui auro,
gemmis, omniq; peregrinæ opulentiaē cultu
conspicuus manu aut cura ANNÆ Sacris
Ministorum DEI vestimentis innexus elu-
cēt, quæ quotannis in varia disseminabantur
Templa eo prope numero, quem hebdoma-
des complectuntur in anno. Ea fuit in Princi-
pe de Divis benemerendi voluntas, quæ ve-
rò beneficentia, quàmq; intenta & accincta
bonitas fuerit in vivos, disertissimè attesta-
tur in Alba Ducali fundata atq; liberaliter
dotata *Domus Sororum Charitatis*, in qua pu-
pillarum Virginum chorus ad octogesimū
subinde numerum ascendens, & Christiana
pietate, & artibus à muliebri sexu non ab-
ludentibus imbuitur. Testatur quoq; &
aliud nobilium Viduarum contubernium,
quod toto vitæ tempore aluit, fovitq; Prin-
ceps non aliunde invitata, quàm à sui animi
bonitate. Nec tacebunt illi, qui graviori for-
tunæ vulnere percussi atq; inopiâ aggrava-
ti, toties in Ejus misericordia medelam ac
levamē invenerunt, aut quibus morbo pres-
sis ministros præbere, cibos submittere, i-
psa demū frequens invisere, affectos confo-

lari, convalescentibus gratulari solebat, cuncta agendo benignitate summâ, ostentatione nulla. O rarum in sublimi fortuna clementiæ, pietatis, comitatisq; exemplum! o inaudita tenuiore in sorte humanitas! sed ubi hanc suspensis animis admiramur, ecce profert sese in medium vitæ dux, virtutumq; ipfarum moderatrix Prudentia, quæ à Principe Celsissima ut solis fulgor à cælo nūquā aberat, & velocissimi fideris instar omnia invisebat illustrabatq; Hæc in negotiis cōficiendis, in rei familiaris administratione, hæc in Sobolis Celsissimæ institutione, hæc in singulis demum actionibus omnia explorabat, ponderabat; quid loco, quid tempori, quid Nominis & Generis Dignitati, quid Gloriæ conveniret? ut nihil non ex certa animi providentia susciperetur, nihil non modò sine utilitate, sed ne sine omni quidem laude conficeretur. Hinc etiam illa cujusq; sermonis lima; ut nihil non splendidum, nullum non ab omni dedecoris levitatisq; ærugine expolitum verbum ore Ejus efflueret, ut singulas pæne illius sententias tanquam ex Delphico tripode deprompta oracula, re-
verens

verens omnium exciperet attentio. Hinc illa in tam magna fortuna animi moderatio, ut non Genus à Proavis ingens, non splendor Nominis, non opes & potentia ad aliorum despicientiam efferre potuerint. Hinc gravissima non modò apud populares, sed etià apud Regni Proceres authoritas, ut omnè honorem ei haberent, laudibus efferrent, prosequerentur studio, iudiciùmq; illius sequerentur. Meretur quoq; gloriæ ornari decore illa in laboribus honestissimis sedulitas, quæ somnum pæne ab oculis ANNÆ fugere compellens, ternas duntaxat horas quieti concedebat. Potiorem namq; noctis partem aut precandis Superis, aut evolvendis scriptorū monumentis consecrare, pulchrum Principi ac solemne semper fuit. Unde rerum gestarum & memoriæ veteris ordinem, sed & imperiorum, populorum, & Regum illustrium recte facta & seriè ita tenuit, ut eruditissimus quispià de antiquitatis memoria in contentionem cum illa venire non auderet. Illam verò in commoda Patriæ industrià quis dignè prædicet? Certè meritam huic Principi gratiam memori

K mente

mente perfolvite Polonia & Litvania, quòd
vestrarum rerum in fragili quidem at non
fragilem nec tenuem gloriam auxerit, exo-
ticisq; terris laudem ademerit! O quantam
auri argentiq; nostri copiam exteræ gentes
hauserunt vitro cryſtalloq; cujus copia cū
in Patria deſideraretur, ingenti ære pere-
grinis veniebat è terris! At nunc, quem fu-
git? quanta curâ? quanto ſumptu ejusmodi
diſpendiis obviam iverit, obſtiteritq; Prin-
ceps Celiſſima, cum artifices de longinquo
deduxit, officinas vitri ſpeculorumq; eſſe-
ctrices erexit; ut quod Majores noſtri pre-
tioſa ſollicitudine alieno ſub ſole quærebat,
nos domi inveniremus. Taciti tranſcurri-
mus cæteras omnium prædicatione cele-
bratiſſimas Principis virtutes, illa nihilomi-
nus prætermitti non poteſt, quam Princi-
pes, Proceres, imò etiam populares sæpe
ante oculos ponunt, crebris ſermonibus u-
ſurpant, & admirantur, quæ inter omnes
eminuiſſe videtur, illa nimirum Pietas AN-
NÆ Celiſſimæ in Principem Conjugē CA-
ROLUM. Non imminuta tantū ſed ſublata
jā eſt noſtris ab animis illa admiratio, quā
ſat

fat amplè celebrata veteris Artemisiæ in
Mausolum benevolentia & studium excita-
bat, cum virtutem ejusmodi longè præstan-
torem in ANNA orbis viderit. Utinam ea
orationi esset facultas, ut ejus digna con-
tingeret laudatio, cujus specimen & exēplar
rarissimum ac prope inauditum in se Prin-
ceps nostra exhibuit. Quod namq; studii
aut officii genus, quæ res in pietate conju-
gis erga maritum requiri ac desiderari, imò
etiam cogitari potest, quam Celsissimo CA-
ROLO tum in vivis agenti, tum è vivis ere-
pto; Princeps nostra nō testaretur? sive enim
reverentiam in Celsissimum Maritum desi-
deres? hæc nunquam ANNÆ excessit ani-
mo, cui nihil antiquius fuerat, quàm gratam
CAROLI memoriam recolere, at non alio
nisi *Benefactoris* sui vocabulo. Sive piissimi
amoris Virtutem requiras? hic tantus in il-
la erat, ut nullos inter Conjuges major &
religiosior eluxerit. Hunc luculenter de-
clarabat profectus ex carissimi Principis
amissione ardentissimus ac perpetuus do-
lor, quem ille nonnisi dies extinxit, qui vi-
tam ANNÆ eripuit. Hunc significabat illa

septem & viginti annorum viduitas, hunc illustrabat cōtinuus in humeris, conveniens tantū luctibus color. Et quā gravi amoris æstus dolorisq; fuerit, fatis illæ atrarum sēper vestium umbræ, quas Princeps Celsissima toto viduæ ætatis curriculo haud unquam deseruit, indicârunt. Tacemus illum summi amoris indicem, magnificentissimum funeris apparatus, & honorem quàm amplissimum, quô iusta CAROLO JUSTO ANNA persolvit, supremaq; officia celebravit. Tacitas nihilominus haud relinqueamus pias illas lachrymas, & protractas ad novem prope subinde horas precationes, quas ad sepulti Conjugis monumentū fundebat, quoadusq; Ducalem Aquileiā Nesvisiū incoluit. Neq; tamē ejusmodi lachrymas ab oculis, preces gemitusq; ab ore, protrudebat aliqua ultra modum effervescentis mæroris impotentia, sed sanctissima potiùs ciebat sollicitudo, ne anima piissimi CAROLI, corporis vinculis soluta, piacularium flammarum ignibus lustraretur. Communiunt hanc rem firmissimè suis testimoniis Nesvisium, Biala & Lesna, in quibus

bus ut nulla non die in subsidium vita functi
Principis Cancellarii, cælestis hostiæ obla-
tiones fierent, curam & pretium singulis
anni partibus Constanter ANNA impende-
bat. Quid etiam auxilii & ipsa intermisit,
quod Principis animæ afferre potuit? Cum
nulla hebdomas totâ ejus vitâ efflueret, qua
ferendi CAROLO subsidii gratiâ suū sacra
Confessione non perpurgaret animum, &
mensæ cælesti non accumberet, aut eâ luce
adhæc Divina Mysteria accedens, qua Cel-
sissimus CAROLUS, supremam, quod a-
junt, benedictionem sibi & Proli Carissimæ
impertiit, aut illa die, qua inter mortales
esse desiit. Quis igitur tam sanctum, tam
castum, tam Religiosum in Conjugem amo-
rem ac pietatē non admiretur? quis has vir-
tutes ut imitatione ita gloria immortalī di-
gnissimas non judicet? O amor! o pietas! o
eximium tenerrimæ in Conjugem reveren-
tiæ & dilectionis exemplum? Ibit certè, ibit
in sæcula fuisse Principem ANNAM speci-
men omnium officiorum Virtutum omniū
exemplar, quarum cum infinitus prope nu-
merus orationi occurrat singulæq; permi-
L stam

illam de Gloria contentionem faciant, ab hoc quodam veluti tumultu ad reliquā sui partem procurrit oratio.

P A R S TERTIA.

A Matre præstantissima ad Prolem Optimā progreditur eloquentia, descendit & Gloria. Pugnat illam sibi deberi Nomen Genusq; Magnæ Principis, contendebant eandem suam esse virtutes Matris nunquam fatis deplorandæ. Ast ubi in hanc cōtentionem descendit Celsissima Proles, longiori disceptationi & controversiæ locus omnis auferri videtur. Si enim iudicium orbis universi, omniumq; ætatum Consilium exquisiverimus; cuius sententia non eò decurret, ut Gloria Parentum Hæreditas Filiorum esse decernatur? Debetur sanè Nomini & Generi Ducali Gloria amplissima, debetur virtutibus maxima, at verò Proli Celsissimæ omnis cedat, necesse est. Quid namq; efflorescit juris ad Gloriā instirpe, quod non conspiciatur in progenie? *Quæ etiam virtus effulsit in MATRE,* quæ non relu-
ceat in **FILIIS?** Vivūt post fata in his Nepotib9 Majores, quos Magnos effecit fama, Ma-
ximos

ximos rectefacta. O si etiam mortali cinere
gravatos attollerent oculos, viderent pro-
fecto splendorem Nominis Generisq; sui
tantis auctum incrementis, ut nulla pæne
amplioris lucis accessio ad perfectam im-
mortalitatis diem desideretur; spectarēt
non tam Filios gloriari de Meritis Patrum,
quā Patres mærerī de Patria rectefactis Fili-
orum, eorumq; prædicatione seipfos effer-
ri, honoribus illustrari cum ingenti *gaudio*
mirarentur. Magno luctu cōficiebatur Patri-
a, quoties non ingrata memoriā repetebat
sibi ereptos Reipublicæ Servatores, gentiū
Victores, victoriæq; ipsius Triumphatores,
illos antiquitate Generis & Meritis orna-
tissimos Principes RADIVILLIOS NICO-
LAOS, CHRISTOPHOROS, JANUSSI-
OS & quotquot erant ejusdem Nominis
Duces Clarissimos, utq; suis caros, ita ho-
stibus metuendos. Deplorabat Senatus, Se-
natorum purpurā indutos magni consilii
Angelos, Angelicam in terris non induisse
immortalitatem. Desiderabat Religio GE-
ORGIUM Purpuratū Ecclesiæ Patrē, AL-
BERTUM M.D.L. Magnum Cancellarium;

NICOLAUM CHRISTOPHORUM Pala-
tinum Vilnensē Vestros PRINCIPES CEL-
SISSIMI Atavos, morum innocentia, vitæ
sanctitate, Corporis afflictationibus, & am-
plificandæ Religionis studio celeberrimos.
Requirebat CAROLUM Vestrum Celsissi-
mum Parentem, Cujus Prudentia, clemen-
tia, Justitia, Pietas atq; in minimam JESU
Societatem Benevolentia vigeat in omniū
memoria sæculorū, quam posteritas alet, &
ipsa æternitas intuebitur. Universi demū
amissorum Principum RADIVILLIORUM
desideriō æstuabant. Ast tu Princeps Cel-
sissime, Palatine Vilnensis Illustrissime &
M.D.L. Exercituum Dux Maxime, Superū
beneficiō, Naturæ & fortunæ auxilio, virtu-
tum omnium studio, sapientissimè provide-
ras, ut quod cum Majoribus Tuis per invi-
diam fatorum ablatum & extinctum Pa-
tria, senatus populusq; Polonus & Religio
querebātur, omne id in Te ipso jam inveni-
ant. Quid enim in illis superioris ævi He-
roibus RADIVILLIIS, aut fortitudinis, aut
præsidii, aut potentia & felicitatis eluxe-
rat? quid in illis Senatoribus consilii, sapi-
entia,

entiæ, in liberũ populum amoris, curæ & sollicitudinis effloruit, quid in illis Principibus sanctitatis, æquitatis, mansuetudinis enituit, quod in Te *Duce* PALATINO, PRINCIPE copiosissimè non elucesceret.

Videt Patria in Te DUCE Maximo Litvani Martis felicitatem, summam rei militaris scientiã, invictam animi fortitudinem, in regendo exercitu industriam & auctoritatẽ, cæteraq; omnia bellicæ virtutis præfidia, quæ & Polonæ Genti Nomen, & Nomini gloriã, & gloriæ immortalitatẽ pepererunt. Felices fanè martiæ animæ, quæ Martẽ spirant in ejus Exercitũs Corpore, cujus Caput tantus Imperator. Felices illo Moderatore Exercitus, qui cum Patriã muniunt, ipsi Magno sui Ducis Nomine tanquam ingenti hostium terrore muniuntur; cum libertatẽ propugnant, ut ipsi etiã à morũ corruptela sint liberi, legibus vinciuntur, sed & amore foveantur. Quid verò memorẽ illam dignã Præstantissimo Duce vigilantiam, ut liberæ Gentis juvenus cerea, jã à puero ad martios ignes flecti, iisdemq; ardere discat. Testis est hujus vigilantissi-

mæ curæ illa, quam DUX Optime constituisti, lingvarū & artiū multiplicium Palæstra, in qua militaribus disciplinis excolitur, & pulcherrimis equitandi, digladiandi, neq; manu tantum, sed lingvis, sed eloquio certandi artibus imbuitur florens ætas, omnibusq; doctrinis eruditur. Prospicis ita Nobilitati Polonæ, ut illi non acrior sit acies ferri quàm ingenii, nec capulum venustius, quàm caput. Hinc teneriores ejus annos sequi Annibalem doces, ut deductâ ad aras juventâ, pectora Marti devoveant, at capita Palladi consecrent; ut discant dexteræ chalybeum fulmen, & unâ eruditū calamū stringere, ut noverint non modò omnes equitandi articulos, & ad Equestris Palæstræ regulâ effrænes indomitofq; moderari ac flectere sonipedes; verum etiâ, ut (si fas est uti pòético loquendi modo) ut inquam alato quoq; Pegaso in altiora Musarū culmina evehi non ignorent. Palam certè orbi facis Dux Exercituum Supreme, quàm altè Tuo Cordi infedit salus Patriæ, dum ei provides & firmissima præsidia belli & amplissima ornamenta pacis. Videt etiam Senatus Populusq;

Iusq; Polonus in Te Primo Litvaniæ SENA-
TORE Magni Consilii Angelū, Patriarum
Legum Custodem Archangelū Michàelem.
Unde non manu tantum Imperatoria, sed
capite Palatino, non armis duntaxat sed sa-
luberrimis consiliis salutem Regni sustentas.
Quamobrem si animi tui sententiam in me-
dium profers, fortissimis rationibus, exi-
mio iudicio, & summa prudentia eam fir-
mas. Neq; solum præterita, præsentia, ve-
rū etiam illa, quibus veræ laus prudentiæ
nititur, futura pervides, ubiq; cavens, ne
quid detrimenti accipiat Respublica. Vidi-
mus hunc perspicacem ad omnia tuum ani-
mū in Te ad causam Curlandiæ Commissa-
rio, quæ ne avelleretur à Polonia, inimica
bono Patriæ consilia hostium convellisti ac
dissipasti, spemq; illis potiundæ hujus Pro-
vinciæ infregisti. Comperimus etiam admi-
rabilem Tuam tractandorū in maximis Reipu-
blicæ fluctibus Animorū solertiam, quorū
procellas sedasti, & discordias in tranquil-
lum contulisti, ubiq; Angelus pacis ac consi-
lii & concordiae Author. Quantus verō
sis legum Custos iustitiæq; cultor, patuit

universis, cum Te Supremum judiciorum Arbitrū, Tribunalis Litvanici Mareschallū vidimus. Et licet ejusmodi virtutē silentio coluerimus, loquentur lapides de pariete, tum in Castrensi Vilnæ Curia à Te constructa, tum in ejusdem promptuario, seu ut ajunt Cancellaria, quam ad tabulas, juraq; conservanda tuæ munificentiae dextera erexisti. Utq; hanc laudis partem verbo absolvamus, nihil officii, nihil diligentiae in gerendo amplissimi Senatoris munere desiderari pateris.

Sed quid etiam Religio in Te PRINCIPE Piissimo desideret? quam ubiq; patrocinio tueris, exemplis illustras & amplificas beneficiis. Quidni Te praesidium & tutelam religionis esse celebremus, qui ab errorum caligine in verae fidei lucem traductos singulari benevolentia complecteris, qui Viros morum probitate praestantes, & orthodoxae professionis institutis viventes altioribus in Exercitu muneribus praeficis; qui nihil operae praetermittis, ut omnia, quibus Religio praest, munia, tuis in castris religiosè observentur. Exploratum namq; habes PRIN-

PRINCEPS ornatissime, Christianam militiam stare non posse, cum proster nitur pietas & Religio; neq; victoriam canere, cum Divinæ leges silent inter arma. Ut itaq; hoc pietatis ardore, quem Divini cultûs ratio postulat, martia caleant pectora, ipse ad omnẽ virtutem præclarissimi exempli facem præfers, religionemq; illustras. Illudne documentũ non esse virtutis dixerimus? quòd cum Te summus rerum Arbiter Deus, Nominine, Genere & Honore supra cæteros erexerit, tu eò profundius coram illo demitteris? aut illud dignum esse, quod omnes intueantur; atq; imitatione exprimant, inficiabimur; quòd licet plurima & maxima negotia Tuum animum circumstant, hic tamen ita non recedit ab illis, ut in DEUM tendat, & sic ad illa redit, ut in DEO fixus persistat. Hinc nulla dies Principi transcurrit sinè linea pietatis, hinc illa frequens cælestibus Epulis refectio, hinc deniq; multa splendoris & ornamenti à Te Princeps Celsissime Religioni accessio. Quibus verò beneficiis eam amplificas, documento sunt sacræ Divorum ædes ac Religiosarum Famili-

N

liarum

liarum domilia, quæ aut Ducali liberalitate reficis, aut excitas. Non inimus horum beneficiorum numerum; quæ à Principe liberalissimo non omiffa, verùm ab oratore & in temporis & in orationis angustias cōpulso omnino sunt prætermittenda. Neq; ita à nobis fieri quispiam miretur, cū à Principe collatæ vel in solam Loyolæ Familiam gratiæ, etsi tenuiter & levissimè tractentur; unius orationis finibus comprehendi haud poterunt. Ita Dux, SENATOR & PRINCEPS Amplissime, omnia in Patriam & Religionem Patrum merita, & cū belli tum pacis ornamenta collegeras, ut omne eorū desiderium auferre videaris. Quo pacto etiam amplissimas MATRIS Celsissimæ virtutes complectaris, non est operæ hoc loco in medium proferre, cum illæ in ore omniū atq; oculis versentur, perspicuæ sint atq; jam in medio positæ videantur. Jus tamen & fas est properante jam ad terminum dictione illam Tuam attingere pietatem, qua cum Matre Filius certare es visus, ut non magis benevolentia MATRIS in CONJUGEM, quā FILII in MATREM triumpharet. Utq; hæc

hæc contentio æmulæ gloriæ certior esset,
honorem & amorem in auxilium vocastis.
Quis honor habitus à FILIO Matri, fati
clare indicat illa, quâ pii extinctæ Princi-
pis cineres in Mirēsi Comitatu excepti sunt
& collocati, ingens pompa; cū scilicet do-
lore architecto erecti arcus flecterentur, e-
rigerentur Pyramides, Colossi assurgerēt,
mæstis oratorū vocibꝫ plateæ personarent,
& ad ferventissimi doloris indicium, ignibꝫ
undequaq; arderent. Eundem honorem de-
clarat abundè, amplissimus æquè ac luctu-
osissimus Funeris apparatus, quo in tanto
luminum Patriæ & decorum maximorum
concurſu Matrem cohonestas. Quis etiam
in illam amor ardeat Tuo in corde, compe-
rimus; cum Ejus causâ tot preces in cælum
emissas, opes in egenos liberalissimè effu-
sas, plurima Tempia donis, altaria infini-
tis sacrificiis cumulata vidimus. Neq; id si-
lentio transmittendum est; quantum studiū
non absq; pretio liberali impenderis, ut
quoad Matris exuviæ in Templo Mirenſi
perſtiterant, singulis diebus à plurium Sa-
cerdotū numero solenniter DEO immortalī

illa supplicaretur & litaretur. Meritò igitur Princeps Celsissime Tuæ in Matrem benevolentia triumphus gloriae est decernendus, cum tam magnis in illa officiis & studiis omnium cogitationes vicisti.

Jure etiam æquissimo in partem omnium laudum istarum venis Magni Ducis & Palatini Frater Celsissime Princeps HIERONYME Pocillator M.D.L. qui pariter Majorum Tutorum in Sago Imperatorum, in Toga Procerum, utrobiq; Principum præstantissimorum merita, Maternasq; Virtutes in Te conclusisti. Dignum ampliore commendatione, & omni laude majorem Te sæcula prædicabunt vel ex eo; quod cum omnibus rebus gestis altissimos Honores mereris, altiores tamen respuas, & cum digna maximis præconiis omnia agas, laudem nihilominus à penna, aut ore alieno non admittis, gloriae majori ducens, si laudanda agantur, quam si acta laudentur. Horum itaq; quam plurima filente pennâ transcurrimus; cum ipsum etiam Tullium sub laudum pondere sudare cogerisset, vel solum illud celeberrimum ad Krzyczewo negotium, quod per-

duel-

duellis ac barbarus populus Domino ac Principi suo exhibuit, cum serviles animæ sese ad pileum evocassent, armaq; arripuissent; quod tam gravis momenti fuit; ut in eo salus Patriæ, tranquillitas Poloniæ, vita Nobilium, & fortunæ multorum agerentur. Plurimum certè molestissimi laboris ac periculi ex illa seditionis lue orbi Polono conflaretur; nisi malo huic tuâ Princeps Celsissime providentiâ, industriâ, consilio & celeritate obviam ivisses, & fracta perduellione, seditione extincta, metû omnẽ, discrimenq; à Patria, à civibus, à fortunis depulisses. Patuit vel tunc apertissimè omnes imperatorias in te virtutes florere, & quantû à te præsidii & auxilii salus publica in maximis etiam Poloniæ fluctibus ac bellis posset sperare. Neq; jam latet quantum ornamentum Senatoriæ accessisset purpuræ, quæ se tibi supplex offert; sed tu mavis potius hac majoriq; dignitate dignus videri & esse, quàm illâ ornari. Quid etiam abest à te, quo salvam Religionẽ tueri, augere & illustrius ornare possis. Abundè hunc tuum in illam amorem & studia, declarant illæ ore

O  Duca-

Ducali effusæ voces: effecturum Te (inqui-
ebas) DEO auspice; ut in Slucensis Duca-
tûs Metropoli Vitembergensis ac Gene-
vensis secta confenescat aliquando atq; pæ-
nitus concidat. Quid hæc sibi verba vo-
lunt? quæ tua mens, quod consilium Cel-
sissime HIERONYME? nisi ut DEI ter O-
ptimi Maximi cultum, orthodoxam Religi-
onem firmiùs defendas, latius promove-
as & illustres. Audite hæc & plaudite, qui-
bus pietas & Religio cordi & curæ est, atq;
vocem Christiano Principe dignissimam
amplissimis laudibus concelebrate.

Sed & vestrâ jam hîc sæcula depromite
sententiam, quam exquirimus. Si super-
stitem post fata Celsissimæ Principis Glori-
am referendam Nômini & Generi Celsissi-
mo dicitis; tum quòd ad eam comparâdam
plurimum virtutis cum sanguine contule-
rint; tum quòd ètiam dignitate, meritis &
honoribus suam esse eandem confirment;
si illam amplissimis ANNÆ Virtutibus de-
beri judicatis, quòd eam sibi jure naturæ
vendicent; omnem profectò Gloriam PRO-
LI CELSISSIMÆ decernetis, quæ Nomi-
nis

nis & Generis dignitatem, & Majorum me-
rita & virtutes Matris complectitur. Vo-
bis, vobis Principes Celsissimi illa omnium
judicio debetur; Vestra hæc est possessio,
Vestra hæreditas, Vestrum quoq; hæc esto
solatium. Doletis extinctam Matrem fu-
perstites Filii! dolet Vobiscum & Patria;
præfertim, ubi spem suam maximam, in
Tuo Celsissime Palatine primogenito NI-
COLAO præmaturis a fatis antea præci-
sam, ad grandius doloris spectaculum uno
sua cum Avia funere condi intuetur. Lu-
get horum fiderum occasum addictissi-
mum suis Fundatoribus RADIVILLIA-
NUM Collegium, luget universa Loyola-
næ Familiæ Provincia, perpetuoq; omni-
um animi inluctu jacerent, nisi Vestra be-
nevolentia & favores sustentarent. Li-
cet enim Matre & Patronâ amplissimâ or-
bati nihil jam agere possimus, quàm ut
perpetuò lugeamus; Vestrum tamen patro-
cinium, tuaq; Supreme Dux Celsissima so-
boles JANUSSIUS & CAROLUS Patriæ
decora, magnæ spei Principes, dolore con-
fectos reficiunt animos. Hi itaq; erecti

O2 ejus-

ejusmodi solatiis, vota precesq; ferunt ad
vos Superi! ut erepta MATRE Celsissi-
mos FILIOS & Nepotes cum universa Su-
perstitum RADIVILLIORUM Familia Re-
ipublicæ ad solatium, Religioni ad præsi-
dium, minimæ JESU Societati ad firmissi-
mam tutelam salvos & incolumes quàm
diutissimè conservetis.

Ad M.D.T.O.M.G.B.V.M.S.L.O.C.H.





